

# **Alkoholpolitiske retningslinjer**

## **2020 – 2024**

**Tildeling av sals- og skjenkeløyve**

## **Innhold**

<b>1. Tildeling av sals- og skjenkeløyve i Fjord kommune .....</b>	<b>4</b>
1.1 Regelverk .....	4
1.2 Mål for løyvepolitikken.....	4
1.3 Saksbehandlingsreglar.....	4
<b>2. Generelt regelverk .....</b>	<b>5</b>
2.1 Mynde og delegering.....	5
2.2 Definisjonar .....	5
2.3 Aldersgrenser .....	5
<b>3. Prinsipp for utøving av sals- og skjenkeløyvepolitikken .....</b>	<b>6</b>
3.1 Tildeling av sals- og skjenkeløyve i Fjord kommune.....	6
3.2 Type stad og målgruppe .....	6
3.3 Næringspolitiske omsyn .....	6
3.4 Omsyn til offentleg ro og orden, og til samfunnet elles.....	6
3.5 Høyringsinstansar .....	7
3.6 Lengda på løyveperioden .....	7
<b>4. Salsløyve .....</b>	<b>8</b>
4.1 Salstider .....	8
4.2 Retningslinjer for salstider .....	8
<b>5. Skjenkeløyve.....</b>	<b>8</b>
5.1 Alminneleg skjenkeløyve .....	9
5.2 Verksemder som kan få skjenkeløyve i Fjord kommune.....	9
5.3 Skjenkeløyve for enkelthøve .....	9
5.4 Ambulerande skjenkeløyve .....	10
5.5 Vilkår for skjenkeløyve for enkelthøve og for ambulerande skjenkeløyve .....	10
5.6 Unntak frå løyveplikta .....	10
5.7 Særlege tilfelle .....	10
5.8 Vilkår til ansvarlege for skjenkeløyve .....	10
5.9 Skjenketider .....	10
<b>6. Om søknaden.....</b>	<b>11</b>
6.1 Søknadsskjema .....	11
6.2 Saksbehandling.....	11
6.3 Saksbehandlingstid.....	11
<b>7. Kontroll med sals- og skjenkeløyve .....</b>	<b>12</b>
<b>8. Reaksjonar ved brot på sals- og skjenkevilkår – prikksystemet .....</b>	<b>12</b>
8.1 Sanksjonar ved brot på alkohollova .....	12
8.2 Saksbehandling i kommunen ved tildeling av prikkar .....	13

<b>9. Gebyr for sal og skjenking .....</b>	<b>14</b>
9.1 Gebyr .....	14
9.2 Omsetningsoppgåve.....	14

# 1. Tildeling av sals- og skjenkeløyve i Fjord kommune

## 1.1 Regelverk

Følgjande set rammer og føringer for dei alkoholpolitiske retningslinene i Fjord kommune:

- Lov om omsetning av alkoholholdig drikk m.v. (1989) – [Alkohollova](#)
- Forskrift om omsetning av alkoholholdig drikk mv. (2005) – [Alkoholforskrifta](#)
- Lov om serveringsvirksomhet (1997) – [Serveringslova](#)
- Ruspolitisk handlingsplan for Fjord kommune

## 1.2 Mål for løyvepolitikken

Føremålet med løyvepolitikken er å medverke til at alkohol vert omsett på lovleg vis. Kommunen skal regulere omsetning av alkohol, slik at ein i størst mogleg grad avgrensar samfunnsmessige og individuelle skader som alkoholbruk kan medføre. Alkohollova skal medverke til å begrense forbruket av alkoholhaldige drikkevarer i samfunnet.

- Gjennom dei alkoholpolitiske retningslinene skal kommunen legge til rette for ein heilskapleg og samla alkoholpolitikk.
- Retningslinene skal også vere ein styringsreiskap for å sikre forsvarlege vurderingar av lokalisering, sals- og skjenkestadar, løyveperiode, vandel og alkoholfrie møtestadar.
- Løyvetildelinga skal vere i tråd med gitte statlege og kommunale retningsliner.
- Retningslinene skal systematisk sikre at sals- og skjenkestadar held seg til gjeldande regelverk.

## 1.3 Saksbehandlingsreglar

- [Alkohollova §1-4a](#) seier at sal, skjenking og tilverking av alkoholhaldig drikk berre kan skje på grunnlag av løyve etter alkohollova.
- Kommunen har ansvar for den utøvande løyvepolitikken etter den alkohollovgjevinga som til ei kvar tid gjeld. Dette gjeld tildeling av løyve, kontroll av sals- og skjenkestadar og sanksjonar ved eventuelle avvik.
- Før alminnelege skjenkeløyve vert gitt til ein serveringsstad, skal det også ligge føre løyve etter [serveringslova](#).
- Kommunen sitt regelverk og regulering av sals- og skjenkeregelverket er viktige verkemidlar for å redusere alkoholrelaterte skadar. Eit løyve til å selje eller skjenke alkohol er ingen rett. Kommunen skal vektlegge helse og sosialpolitiske omsyn på best mogleg måte, samstundes som det er viktig å ta næringspolitiske omsyn.

## 2. Generelt regelverk

### 2.1 Mynde og delegering

**Kommunestyret er løyvemynde** ved behandling av alminnelege sals- og skjenkeløyve. Det vil seie:

- Vedta ruspolitisk handlingsplan
- Godkjenne sals- og skjenkeløyve
- Inndra løyve

#### Mynde delegert til formannskapet

- Behandle klagesaker som gjeld brot på alkohollova med inntil 12 prikker.

#### Mynde delegert til kommunedirektøren

- Søknadar om serveringsløyve
- Søknadar om ambulerande løyve
- Søknadar om løyve for enkelthøve
- Utviding av eksisterande løyve for enkelthøve, også utviding av skjenkeareal
- Godkjenne endring av styrar og reservestyrar for tildelt løyve
- Fastsette frist for innlevering av omsetningsoppgåver
- Beregne løyvegebyr
- Kontroll med sals- og skjenkeløyve
- Priktildeling etter brot på alkohollova med inntil 12 prikker.

### 2.2 Definisjonar

- Alkoholfri drikk: inneholder under 0,7 % vol.
- Alkoholsvak drikk: inneholder frå og med 0,7 til og med 2,5 % vol.
- Alkoholhaldig drikk **gruppe 1**: inneholder over 2,5 % og høgst 4,7 % vol.
- Alkoholhaldig drikk **gruppe 2**: inneholder over 4,7 % og under 22 % vol.
- Alkoholhaldig drikk **gruppe 3**: inneholder mellom 22 % og 60 % vol.

### 2.3 Aldersgrenser

- Alkoholhaldig drikk i gruppe 1 og 2 har aldersgrense 18 år.
- Alkoholhaldig drikk i gruppe 3 har aldersgrense 20 år.

Aldersgrensene gjeld for gjestar, kundar og tilsette. Unntak for tilsette gjeld for visse fagbrev, lærlingar og andre under opplæring i slike fagbrev.

Tilsette på sals- og skjenkestadar har ved tvil om alder både plikt og rett til å krevje legitimasjon.

### 3. Prinsipp for utøving av sals- og skjenkeløyvepolitikken

#### 3.1 Tildeling av sals- og skjenkeløyve i Fjord kommune

- Det vert ikkje sett noko særskilt tak på talet på skjenkeløyve i perioden 2020 – 2024.
- Det vert ikkje gitt sals- eller skjenkeløyve til gatekjøkken, kiosk, bensinstasjon og serveringsstadar i tilknyting til desse.
- Det vert normalt ikkje gitt skjenkeløyve til arrangement der barn og unge under 18 år er deltagarar.
- Alle sals- og skjenkestadar må syte for god tilgjenge for menneske med nedsett funksjonsevne.

#### 3.2 Type stad og målgruppe

Ved vurdering av om løyve bør tildelast kan kommunen mellom anna legge vekt på følgjande, jf. [alkohollova § 1-7a](#):

- Talet på sal- og skjenkestadar i kommunen
- Sal- eller skjenkestaden sitt driftskonsept – storleik og utforming av lokala
- Målgruppe – om staden trekk til seg barn og unge
- Lokalisering – omsyn til bumiljø, trafikk- og ordensmessige tilhøve og lokalmiljøet elles

Både sals- og skjenkeløyve vert tildelt for eit særskilt driftskonsept og er knytt til definert lokale og eigartilhøve. Eigar skal omgåande melde frå om endringar til kommunen, og er pliktig å søke ny godkjenning. Det same gjeld ved skifte av dagleg leiar, sals- og skjenkestyrar.

#### 3.3 Næringspolitiske omsyn

Ved vurdering av næringspolitiske omsyn kan følgjande leggast til grunn:

- Unngå monopolituasjonar og forskjellsbehandling.
- Om sals- eller skjenkestaden har lærlingordning.
- Ønskje om å stimulere utviklinga i visse delar av kommunen.
- Det bør takast omsyn til at kommunen er ein del av ein turistregion.
- Løyvepolitikken skal vere føreseileg og med retningslinjer som gir næringa godt driftsgrunnlag og konkurransevilkår. Kontroll av tildelte løyver skal sikre at sal- og skjenking skjer i tråd med lov og retningslinjer.

#### 3.4 Omsyn til offentleg ro og orden, og til samfunnet elles

Ved vurdering av omsyn til offentleg ro og orden kan følgjande forhold leggast til grunn:

- Omsynet til eit godt bu- og oppvekstmiljø
- Om området generelt eller staden spesielt tiltrekker seg støy og uro.
- Politiet skal uttale seg både om søkeren sin vandel og om sjølvé søknaden. Eventuelle problem i forhold til ro og orden vil kome fram av politiet sin uttale. Negative uttalar i forhold til dette omsynet går inn i vurderinga i kvar enkelt sak.

### 3.5 Høyringsinstansar

- Ved søknad om alminnelege sals- og skjenkeløyve skal det hentast inn uttale frå politiet, sosialtenesta v/NAV og frå styresmaktene for skattar og avgifter.
- Ved behov kan det også hentast inn uttalar frå andre kommunale faginstansar, grunneigar, sameige og andre som saka vedkjem.

### 3.6 Lengda på løyveperioden

- Kommunalt løyve til sal og skjenking av alkoholholdig drikk kan vert gitt for periodar på inntil fire år, og med opphør seinast 30. september året etter val av nytt kommunestyre. Slike løyve kan dessutan bli gitt for ein bestemt del av året, og for eit bestemt høve.
- Dersom kommunen etter kommunevalet har teke ein gjennomgang av av dei alkoholpolitiske retningslinjene og vurdert løyvepolitikken, kan kommunen vedta at løyve ikkje skal opphøyre.
- Føremålet med dette er å bruke ressursane på ein annan og meir effektiv måte dersom ei fornying etter kommunen sitt skjøn ikkje er naudsynt for å trygge alkoholpolitiske omsyn.

Kommunal bevilling til salg av annen alkoholholdig drikk enn nevnt i første ledd og til skjenking av alkoholholdig drikk kan gis for perioder inntil 4 år, og med opphør senest 30. september året etter at nytt kommunestyre tiltrer. Slike bevillinger kan dessuten gis for en bestemt del av året, og for en enkelt bestemt anledning.

Kommunen kan beslutte at bevillinger etter første og annet ledd likevel ikke skal opphøre, men gjelde videre for en ny periode på inntil fire år med opphør senest 30. september året etter at nytt kommunestyre tiltrer. Kommunen kan beslutte at ingen bevillinger skal opphøre eller fastsette nærmere retningslinjer for hvilke bevillinger det må søkes om fornyelse for. Ved fastsettelse av disse retningslinjene kan kommunen legge vekt på de samme forhold som ved behandling av ny søknad, jf. § 1-7a. Istedefor krav om fornyelse kan kommunen endre eller fastsette nye vilkår for bevillinger i samme utstrekning som ved behandling av ny bevilling, jf. §§ 3-2 og 4-3.

Beslutninger etter tredje ledd kan bare fattes dersom kommunen etter kommunevalget har foretatt en gjennomgang av alkoholpolitikken i kommunen, herunder vurdert bevillingspolitikken.

[Alkoholloven § 1-6](#)

Tildelte sals- og skjenkeløyve i Fjord kommune opphøyrer ikkje, og det er ikkje naudsynt å søke fornying av løyve etter fire år.

I følgjande tilfelle må det likevel søkjast om nytt løyve:

- Ved eigarskifte
- Ved brot på vilkår som er sett i løyvet.
- Ved for mange tildelte prikkar.
- Ved innspel frå politiet om mykje uro, bråk eller andre forhold på staden eller i området.
- Ved merknadar på vandel.

## 4. Salsløyve

- Alle salsstadar som skal selje alkoholhaldig drikk må ha salsløyve frå kommunen.
- Fjord kommune kan gi salsløyve for alkoholhaldig drikk med inntil 4,7 % vol. til daglegvarebutikkar og spesialbutikkar.
- Det kan også gjevest løyve til sal av alkoholhaldig drikk produsert i eiga verksemd dersom det ligg føre godkjent [tilvirkningsbevilling](#). Løyve kan berre verte gitt ved produksjon på salsstaden, og at produksjon og sal vil utgjere ein del av staden sin heilskaplege karakter og salstilbod. jf. [alkohollova § 3-1b](#). Dette kan vere gardsutsal og bryggeri eller anna.
- Det kan ikkje gjevest løyve til sal og skjenking i same lokale, jf. [alkohollova § 3-1](#).

### 4.1 Salstider

Jf. [alkohollova § 3-7](#)

- Salstider for øl i butikkane:
  - Kl. 08.00 – 20.00 på kvardagar og dagen før Kr. Himmelfartsdag
  - Kl. 08.00 – 18.00 på dagar før søndagar og heilagdagar.
- Det er ikkje lovleg med sal på søndagar og heilagdagar, 1. og 17. mai.

### 4.2 Retningslinjer for salstider

- Det vert lagt vekt på at søker har gode rutinar rundt salet når det gjeld aldersgrense på kjøpar og seljar, kontroll med salet, opplæring av tilsette og handheving av regelverket for sal av alkoholhaldig drikk.
- Det bør vere eit fysisk klart skilje mellom drikk med og utan alkohol.
- Det vert lagt vekt på korleis søker kan sikre at alkoholhaldig drikk ikkje er tilgjengeleg for forbrukar utanom kommunen sine vedtekne salstider for alkohol.

## 5. Skjenkeløyve

- Alle serveringsstadar som skal skjenke alkoholhaldig drikk må ha skjenkeløyve frå kommunen.
- Kommunen kan tildele faste skjenkeløyver for alle tre alkoholgruppene samla, berre for gruppe 1 eller for gruppe 1 og 2.
- Det kan også bli tildelt skjenkeløyve for eit ope arrangement ved eit bestemt høve, eller for eit lukka arrangement ved eit enkelt høve.
- Det kan søkjast om utandørs skjenking tilknytt serveringsstaden. Utandørs skjenkeareal skal vere tydeleg avgrensa med gjerde eller liknande. Søknaden skal innehalde kartskisse over uteområdet.

- For å sikre at alkohollova sitt regelverk om skjenking til mindreårige eller tydeleg påverka personar blir følgt, er det krav til forsvarleg vakthald ved skjenkeområdet. Ved større arrangement og skjenkestadar som har eit stort tal gjestar, skal vaktene vere godkjende av politiet. Brannvesenet skal også ha melding.
- Det skal ikkje gjevest løye til sal og skjenking i same lokale, jf. [alkohollova § 3-1](#).
- All form for reklame for alkoholholdig drikk er forbode.

Reklame for alkoholholdig drikk er forbudt. Forbudet gjelder også reklame for andre varer med samme merke eller kjennetegn som alkoholholdig drikk. Slike varer må heller ikke inngå i reklame for andre varer eller tjenester.

[Alkohollova § 9-2](#)

## 5.1 Alminneleg skjenkeløyve

- Alminneleg skjenkeløyve vert gitt som eit fast skjenkeløyve til ein bestemt stad.
- Løyvet kan gjelde for skjenking av alkoholholdig drikk i gruppe 1, 2 og 3.
- Løyve for gruppe 2 inkluderer alltid gruppe 1, og løyve for gruppe 3 inkluderer alltid gruppe 1 og 2.

## 5.2 Verksemder som kan få skjenkeløyve i Fjord kommune

- |                             |  |
|-----------------------------|--|
| • Hotell/overnattingsstadar | Løyve til skjenking av alkoholholdig drikk i gruppe 1, 2 og 3  |
| • Restaurantar              | Løyve til skjenking av alkoholholdig drikk i gruppe 1, 2 og 3. |
| • Pubar                     | Løyve til skjenking av alkoholholdig drikk i gruppe 1, 2 og 3. |
| • Kaffibarar og kafear      | Løyve til skjenking av alkoholholdig drikk i gruppe 1 og 2.    |

## 5.3 Skjenkeløyve for enkelthøve

- Det kan bli gitt skjenkeløyve for enkelthøve. Enkelthøve er opne arrangement som festival, konser, bygdfest, dans og liknande.
- Det må vere ein styrar og ein reservestyrar for løyvet, og desse må ha uklanderleg vandel.
- Ved større arrangement vert det stilt ei rekke krav til arrangøren. Eit større arrangement vert rekna som eit arrangement som er tilgjengeleg for ålmenta, og der det er eit visst farepotensial ved uføresette hendingar. Det finst eigne rettleiarar for slike arrangement, for eksempel [Rettleiar for tryggleik ved store arrangement](#) utarbeidd av Direktoratet for samfunnssikkerhet og beredskap.
- Opne arrangement vert ikkje tildelt løyve i gruppe 3.

## 5.4 Ambulerande skjenkeløyve

- Ambulerande skjenkeløyve er ikkje knytt til ein bestemt person eller skjenkestad, og gjeld i slutta selskap.
- Løyvet kan gjelde for skjenking av alkoholhaldig drikk i gruppe 1, 2 og 3.
- Ambulerande løyve vert gitt til slutta selskap. Slutta selskap betyr at det allereie før skjenkinga tek til, er danna ein slutta krets av inviterte personar i eit bestemt lokale. Arrangementet må ikkje vere ope for utanforståande. Det er ikkje nok at ein før skjenkinga tek til, skriv seg på ei liste eller kjøper billett.

## 5.5 Vilkår for skjenkeløyve for enkelthøve og for ambulerande skjenkeløyve

- All skjenking av alkoholhaldig drikk mot ein eller annan form for vederlag/betaling krev løyve.
- Ansvarleg skjenkestyrar må vere fylt 20 år.
- Det er ikkje krav til bestått kunnskapsprøve i alkohollova.
- Løyvehavar er ansvarleg for at skjenkinga går føre seg etter gjeldande lover og reglar, og skal ha kontroll med all bruk av alkohol i det arrangementet løyvet gjeld for.
- Skjenketida følgjer skjenketidene som er vedtatt for Fjord kommune.

## 5.6 Unntak frå løyveplikta

- Det er mogleg å skjenke og drikke alkohol utan skjenkeløyve i lokale som er leigd eller lånt ut til privatpersonar for eit enkelt bestemt høve, som bryllaup, åremålsdagar, slektstreff og andre jubileum.
- Det er ein føresetnad at skjenkinga i slike høve skjer vederlagsfritt.
- Eit slikt fritak gjeld ikkje organisasjonar som leiger/låner eit lokale.

## 5.7 Særlege tilfelle

- I særlege tilfelle og etter nærmare vurdering kan kommunestyret sjølv gjere unntak frå typar driftskonsept omhandla i pkt. 5.2 med omsyn til tildeling av alminneleg skjenkeløyve.

## 5.8 Vilkår til ansvarlege for skjenkeløyve

- Alkohollova sine vandelskrav til løyvehavar, styrar og reservestyrar må vere oppfylt, jf. [§1-7b](#).
- Styrar og reservestyrar må ha bestått kunnskapsprøva om alkohollova.
- Dagleg leiari må dokumentere bestått etablerarprøve etter serveringslova.

## 5.9 Skjenketider

Jf. [alkohollova § 4.4](#)

- Gruppe 1 og 2 (øl og vin):
  - Kl. 10.00 – 02.00 for innandørs skjenking.
  - Kl. 10.00 – 02.00 for utandørs skjenking.

- Gruppe 3 (brennevin):
  - Kl. 13.00 – 02.00 for innandørs skjenking.
  - Kl. 13.00 – 02.00 for utandørs skjenking.
- Konsum av skjenka alkoholhaldig drikk må opphøre seinast 30 minutt etter at skjenketida er slutt. Skjenketid er lik utleveringstid.

**Ansvarleg vertskap**

Fjord kommune ønskjer eit trygt og triveleg uteliv med ansvarleg vertskap innan skjenking. Kommunen oppmodar difor tilsette innan skjenkebransjen å ta [Helsedirektoratet sitt e-læringskurs](#) som gir innføring i alkohollova, alkoholen sin verknad på kroppen, konflikthandtering og andre utfordringar.

## 6. Om søknaden

### 6.1 Søknadsskjema

Det skal søkjast via elektronisk søknadsskjema på Fjord kommune si nettside. Der er det også informasjon om opplysningar og vedlegg som skal følgje søknaden.

### 6.2 Saksbehandling

Alle søknadar som sals- eller skjenkeløyve vert vurdert i samsvar med alkohollova sitt regelverk og lokal ruspolitisk handlingsplan.

### 6.3 Saksbehandlingstid

- Saksbehandlingsfristen på søknadar om sals- og skjenkeløyve som skal avgjerast av kommunestyret er inntil fire månader frå kommunen har motteke komplett søknad. Om fristen vert overskriden vil det ikkje seie at søknaden vert sett på som innvilga, jf. [alkohollova § 1-11](#).
- Eigarskifte og utviding av areal krev også ny behandling. Ved eigarskifte kan ny eigar søkje om å selje eller skjenke alkohol på tidlegare eigar sitt løyve i inntil tre månadar, medan kommunen behandler ny søknad om løyve. Det vert føresett at ny søknad om løyve er sendt til kommunen innan 30 dagar etter dato for overtaking.
- Søknadar om ambulerande skjenkeløyve har søknadsfrist minimum to veker før arrangementet, og skal behandlast innan den tidsfristen.
- Søknadar om skjenkeløyve for enkelthøve har søknadsfrist minimum tre veker før arrangementet, og skal behandlast innan den tidsfristen.

## 7. Kontroll med sals- og skjenkeløyve

Fjord kommune har med heimel i [alkohollova § 1-9](#) ansvar for kontroll med utøving av kommunale sals- og skjenkeløyve.

- Føremålet med kontroll er å sikre at sal og skjenking føregår innanfor rammene av gjeldande lov og regelverk.
- Kontroll av sals- og skjenkestadane i Fjord kommune vert gjennomført av privat vakselskap etter avtale med kommunen.
- Sals- og skjenkestadane skal kontrollerast så ofte som behovet tilseier det, og minimum ein gong kvart år, jf. [alkoholforskrifta § 9-7](#). Det totale talet på kontrollar skal tilseie tre gongar talet på sals- og skjenkestadar i kommunen.
- Kommunen skal sikre at kontrollen til ei kvar tid er føremålstenleg, etter vurdering av lokale tilhøve.
- Skriftleg rapport etter kontroll skal sendast løyvehavar for uttale samstundes som han vert sendt til løvemynde.

## 8. Reaksjonar ved brot på sals- og skjenkevilkår – prikksystemet

### Alkoholforskrifta § 10-2

- Kommunestyret har delegert til kommunedirektøren prikktildeling etter brot på alkohollova med inntil 12 prikkar. Kommunedirektøren gjer enkeltvedtak om tildeling av inntil 12 prikkar.
- Kommunestyret har delegert til formannskapet å behandle klagesaker etter brot på alkohollova med inntil 12 prikkar.

### 8.1 Sanksjonar ved brot på alkohollova

Alkoholforskrifta regulerer utførleg reaksjonar ved brot på alkohollova med forskrifter. Reglane vart sett i kraft 1. januar 2016, og er delt inn i fire grupper, jf. [alkoholforskrifta § 10-3](#):

Følgjande lovbroter fører til tildeling av åtte prikker

- Sal, utelevering eller skjenking til person som er under 18 år – blir sett på som eit av dei grovaste brota på alkohollova.
- Brot på plikta om å hjelpe personar som treng det.
- Brot på kravet om forsvarleg drift.
- Hindring av kommunal kontroll.
- 

Følgjande lovbroter fører til tildeling av fire prikker

- Sal og utelevering til person som er synleg påverka av rusmiddel.
- Skjenking til person som er, eller som det er innlysande at ein trur blir, påverka av rusmiddel.
- Brot på sals-, uteleverings- og skjenketidene.
- Skjenking av alkoholhaldig drikk i gruppe 3 til person på 18 eller 19 år.
- Brot på alderskravet til den som sel, uteleverer eller skjenker alkoholhaldig drikk.

Følgjande lovbroter fører til tildeling av to prikker

- Det vert gitt adgang til lokalet til person som er synleg påverka av rusmiddel.
- Løyvehavar sørger ikkje for at person som er synleg påverka av rusmiddel forlet lokalet.
- Manglar ved løyvehavar sin internkontroll.
- Manglande levering av omsetningsoppgåve innan kommunen sin frist.
- Manglande betaling av løyvegebyr innan kommunen sin frist.
- Brot på krav om styrar og reservestyrar.
- Gjentatt narkotikaomsetning på skjenkestaden.
- Gjentatt diskriminering.

Følgjande lovbroter fører til tildeling av ein prikk

- Brot på kravet om alkoholfrie alternativ.
- Brot på reglar om skjenkemengde.
- Konsum av medteken alkoholhaldig drikk.
- Gjestar tek med alkohol ut av lokalet.
- Brot på krav om plassering av alkoholhaldig drikk på salsstad.
- Brot på vilkår i løyvevedtaket.
- Brot på reklameforbodet.
- Andre lovbroter som er omfatta av alkohollova.

## 8.2 Saksbehandling i kommunen ved tildeling av prikker

1. Kommunen mottek melding om brot frå kontrollørar eller andre mynde.
2. Kommunen sender førehandsvarsle om priktildeling.
3. Løyvehavar har høve til å kome med forklaring og tilleggsopplysningar, eller gå imot påstand om brot. Svarfristen er to veker frå motteke førehandsvarsle.
4. Kommunedirektøren gjer vedtak om tildeling av prikker.
5. Ein eventuell klage vert behandla i formannskapet. Fylkesmannen er endeleg klageorgan dersom vedtaket vert oppretthalde.

Dersom ein løyvehavar får tildelt til saman 12 prikkar i ein periode på to år, skal kommunestyret inndra løyvet for eit tidsrom på ei veke. Dersom det i denne to-årsperioden vert tildelt meir enn 12 prikkar, skal kommunestyret auke inndragingsperioden tilsvarande, jf. [alkohollova § 10-2](#).

## 9. Gebyr for sal og skjenking

### 9.1 Gebyr

- Alle som har eit fast sals- eller skjenkeløyve skal kvart år betale gebyr for løyve til kommunen.
- Gebyret vert rekna ut frå talet på omsette liter av øl, vin og brennevin, men ved låg omsetning må det likevel betalast eit minimumsgebyr. Kvar av alkoholgruppene er prisa ulikt, og det er ulike prisar for sal og skjenking.
- Gebyra for sal og skjenking er fastsett i alkoholforskrifta, og vert endra med verknad frå 1. januar kvart år.
- Dei som får tildelt ambulerande skjenkeløyve eller løyve for enkelthøve skal også betale løyvegebyr. Dette vert kravd inn som eit fast eingangsgebyr når løyvet vert tildelt.
- Gebyr for ambulerande skjenkeløyve er pt. kr. 380. Gebyret blir justert årleg i samsvar med sentrale forskrifter.
- Gebyr for enkelthøve er kr. 1 500.
- **Gebyra som vert kravd inn skal nyttast til kommunen si utøving av førebyggande arbeid og til kontroll med sals- og skjenkestadane.**

### 9.2 Omsetningsoppgåve

- Faste sals- og skjenkestadar må kvart år levere omsetningsoppgåve med opplysningar om talet på omsette liter alkoholhaldig drikk.
- Opplysningane skal sendast inn via elektronisk skjema på Fjord kommune si nettside.
- Omsetningsoppgåva dannar grunnlaget for berekninga av gebyret. Faktura vert sendt til løyvehavar så snart omsetningsoppgåva er kontrollert og i orden.
- Fristen for innlevering av omsetningsoppgåve er 1. mars kvart år.